

ՎԱՍՏԱԿԱՇԱՏ ՊԱՏՄԱԲԱՆԸ

(Երվանդ Դազարի Սարգսյանի ծննդյան 80-ամյակի առթիվ)

Իր ծննդյան 80-ամյակը բոլորեց նշանավոր պատմաբան-արևելագետ, պատմական գիտությունների դոկտոր, պրոֆեսոր Ե. Ղ. Սարգսյանը:

Ե. Ղ. Սարգսյանը ծնվել է 1913 թ. սեպտեմբերի 13-ին, Սիսիանի շրջանի Բռնակոթ գյուղում: Միջնակարգ կրթություն ստանալուց հետո սովորել է Լենինգրադի համալսարանի պատմության ֆակուլտետում, արևելագետ-պատմաբանի թեզով: 1942 թ. ավարտել է տեղի արևելագիտության ինստիտուտի ասպիրանտուրան՝ ամբողջ քաղաքի բնակչության հետ միասին արիությանը հաղթահարելով պատերազմի և շրջափակման հետ կապված հայտնի դժվարություններն ու զրկանքները: Նշված ինստիտուտը Լենինգրադից էվակուացնելուց հետո Ե. Սարգսյանը տեղափոխվել է Հայաստան և աշխատել Հայաստանի ԳԱ տնտեսագիտության բաժնում, որպես ավագ գիտաշխատող: 1944—1946 թթ. Ե. Սարգսյանը աշխատել է Հայաստանի արտաքին գործերի նախարարության քաղաքական բաժնում, որից հետո վերստին աշխատանքի ափսոսելով Հայաստանի ԳԱ պատմության ինստիտուտում՝ գրադեցնելով ավագ գիտաշխատողի տեղ (1946—1950), 1950—1952 թթ. նա ԳԱ հասարակական գիտությունների բաժանմունքի գիտական քարտուղարն էր: 1952—1958 թթ. դարձյալ դադարեցրել է ԳԱ պատմության ինստիտուտի ավագ գիտաշխատողի, իսկ 1958—1971 թթ.՝ ԳԱ արևելագիտության սեկտորի թուրքագիտության խմբի վարիչի տեղը: Նշված սեկտորի հենքի վրա ձևավորված արևելագիտության ինստիտուտի հիմնադիրներից մեկը Ե. Սարգսյանն է: 1986 Մ. դեկտեմբերի 30-ից ցօրս նա կատարում է նույն ինստիտուտի գլխավոր գիտաշխատողի պարտականությունը:

Շուրջ հինգ և կես տասնամյակ է, ինչ Ե. Սարգսյանը գործում է հայրենի գիտության և մանկավարժության բնագավառներում: Գիտության մեջ նրա ծանրակշիռ խոսքն արտահայտվել է շուրջ 150 գիտական աշխատություններով, այդ թվում՝ մեկ և կես տասնյակի շափ մենագիտություններով, որոնք արժեքավոր ներդրում են հայ արևելագիտության և պատ-

մագիտության մեջ Ե. Սարգսյանն ունի դիտական հետաքրքրությունների լայն շրջանակները, որոնք ընդգրկում են այնպիսի կարևոր հիմնահարցեր, ինչպիսիք են Օսմանյան կայսրության անկման շրջանի պատմությունը, Թուրքիայի տնտեսական ու քաղաքական հարաբերությունների պատմությունը նրա նոր շրջանում, Արևմտահայաստանի ու արևմտահայ բնակչության սոցիալական, տնտեսական ու քաղաքական կացությունը, թուրքական պետության քաղաքականությունը արևմտահայության հանդեպ, արևմտահայության ցեղասպանություն, ինչպես նաև հայ-թուրքական ու խորհրդա-թուրքական հարաբերությունների բաղմաբնույթ և առարածաշրջանում տվյալ ժամանակաշրջանի գիտական լուսաբանման համար կարևոր գիտական կարևորություն ներկայացնող այլ խնդիրներ:

Գիտական իր հետազոտական աշխատանքի ուղին սկսել է հիմնականում և ինքնուրույն մտակառույցների ստեղծմամբ, քաղաքականության և զաղափարախոսության սխեմատիկ ու տիրական դրույթների հետ նկատելի բանավեճով, որով էլ, ի դիմաց, պայմանավորված է նրա հետազոտությունների ոչ միայն հրատապ բնույթը, այլև դիտական երկարատև ու արդասավոր ուղին: Նշված տեսակետից արդեն իսկ հատկանշական է նրա գիտական առաջին լուրջ մեկնարկը՝ Օսմանյան կայսրության ագրարային քաղաքականությունը Արևմտյան Հայաստանում (19-րդ դ. II կես)» (ռուսերեն, 1957) վերնագրով: Աշխատության մեջ հեղինակը բուռնություն է նվաճված ժողովուրդների նկատմամբ Օսմանյան կայսրության վարած քաղաքականության և ստեղծված տնտեսական հիմքերի ու հարաբերությունների ներքին կառուցիկ և փոխադարձաբանությունների մի շարք էտիկան կողմեր՝ հետազոտության առանցք դարձնելով Արևմտյան Հայաստանը: Նշված աշխատությունը նրա թեկնածուական թեզի նյութն էր, որին հետևելու էր նրա մյուս աշխատությունը՝ Օսմանյան կայսրության նվաճողական քաղաքականությունն Անդրկովկասում Առաջին համաշխարհային պատերազմի նախօրյակին և պատերազմի տարիներին՝ վերնագրով

(ռուսերեն, 1962)։ Այս մենագրությունը վկայում է Թուրքիայի ու Անդրկովկասի ժողովուրդների, մասնավորապես հայ ժողովուրդի քաղաքական իրականության բազմաշերտ խորքերը թափանցելու և դրանք նորովի ու համոզիչ վերարտադրելու՝ գիտնականի անուրանալի շնորհների մասին։

Վերոհիշյալ՝ ամբողջական աշխատությունը Ե. Սարգսյանը ներկայացրեց և պաշտպանեց որպես դոկտորական թեզ՝ ԽՍՀՄ ԳԱ արևելագիտության ինստիտուտում (Մոսկվա, 1963)։ Աշխատությունը լայն արձագանք գտավ ինչպես հայրենական, այնպես էլ արտասահմանի գիտական շրջաններում՝ արժանանալով բարձր գնահատականի, նաև՝ կողմնակալ բնագիտություն ու կարծիքներ, այս երկու դեպքում էլ վկայելով իր գիտական հրատապության ու ուշադրավ որակների մասին։ Աշխատության մեջ հիմնավորվում է Օսմանյան քայքայվող կայսրության հենքի վրա բարձրացող քաղաքականության և գաղափարախոսության հետևողական սերտաձուլումը, որը, ի վերջո, պետք է հասցնեի օսմանիդից մինչև սյանթուրքիզմի ու երիտթուրքական ժավալապաշտ քաղաքականության, և որի իրագործման ճանապարհին թուրքական կառավարողները կանդ շառան նույնիսկ արևմտահայությանը ֆիդելիտայն ու շնչացնելու ծրագիրը կատարելու սուղ և նշված քաղաքականությամբ էլ դիտարկվում էր հիմնավորում է Թուրքիայի մասնակցությունն առաջին աշխարհամարտին, որը երկուստեք ղեկավարում էին որպես ամենաարգելափակող ուժի՝ իրականացնելու իրենց զավթողական ծրագրերն Անդրկովկասում, Կենտրոնական Ասիայում և ալլուր։ Հայերի ցեղասպանությունը ու այլ ինչ էր, եթե ոչ այդ ծրագրերն իրականացնելու փուլերից մեկը ներքին քաղաքական կյանքում, ինչպիսիք էր Ե. Սարգսյանը հստակորեն է դարձնում պատմականորեն անհեշտ իրողությունները ընդհանրացմամբ, սղորդարարական հորատում հենքի վրա։ Այս դրքի մեջ գլխավոր ամբողջությունը նվիրված էր արևմտահայությանը, ցեղասպանությանը, և այլ ընթացիկ վերաբերող առաջին հետազոտությունը լինելով, լույս առավ Մեծ եղեռնի հիմնամյուկի առթիվ (Բեյրութ, 1965)։ Ե. Սարգսյանի մյուս հետազոտություններն առհասարակ, որոնք վերաբերում են առաջին աշխարհամարտից հետո և 1920-ական Բվականների սկզբներին Բուրբուրիայի ներքին ու միջազգային կացությանն առնչվող պատմական երևույթներին, քննարկական շարժմանն ու Խորհրդային Ռուսաստանի քաղաքական հարաբերություններին, որոնք, այլ հիմնահարցերի համադրմամբ, նա մշտապես կա-

պակցում է հայ ժողովրդի ազգային ու քաղաքական կացությանը։ Այդ հետազոտություններով փաստորեն հիմք էր դրվում քննարկական շարժման նոր գնահատականին, նրա զավթողական, պանթուրքական էության գիտական բացահայտմանը։ Այսպիսի մոտեցումը ուղղակի հակադրություն էր կազմում 1920-ական թվականներից սկսած ուղղափառ բուլշևիկյան և թուրքամետ պատմագիտության դրույթներին, որոնց ուժով Քննարկ և քննարկական շարժումը ներկայացվում էին որպես սոցիալիստական շարժման դրսևորում՝ Մերձավոր արևելքում։ Այս կապակցությամբ Ե. Սարգսյանը մշտապես բանավեճ է մղել խորհրդային պատմագիտության որոշ թուրքամետ ներկայացուցիչների դեմ, մասնավորապես ի դեմս պրոֆ. Ա. Ֆ. Միլերի։

Ե. Սարգսյանի գիտական գործունեությունը ներծծված է սկզբունքայնությամբ, պատմագիտության մեջ արդիական հիմնահարցերի, ժամանակի հրատապ գիտական խնդիրների ճշմարտացի լուսարանման մշտական ձգտումով։ Այս իմաստով հնարավոր չէ շրջանցել Բ. Սահակյանի հեղինակակցությամբ նրա հրատարակած «Հայ ժողովրդի նոր շրջանի պատմության նեղագիտումը թուրք պատմագրության մեջ» աշխատությունը (1963), որի անգլերեն հրատարակությունն իրականացվեց ԱՄՆ-ում (1965)։ Առաջին անգամ ամբողջական ուսումնասիրություն նյութ էր դրոշմում թուրքական պատմագիտության՝ ալլուր ասպարեզում տասնամյակների ի վերջ մշակած միտումնավոր և քաղաքականության պետության կիրառած ցեղասպանության նրբագիտումը և արդարացումը։ Այս աշխատությունն ուշադրավ է նաև նրանով, որ դրանով հայ պատմագիտությունն առաջ էր ընկնում դանդաղածային լրատվության միջոցներից և մերկացնում թուրքական ժամանակակից լրատվական ապակողմնորոշումը՝ ձեռք բերելով սրբախոսական նշանակություն։ Ծավոք, այս ուղղությունը մնաց գրեթե արտաքու կարգի երևույթ, որով, թերևս, կարելի է նաև բացատրել այն, որ այսօր մեր դանդաղածային լրատվության միջոցները առանձնապես հրապարտանալու բան չունեն միջազգային հանրության աչքին թուրքական կեղծ ու ապակողմնորոշող լրատվությունը մերկացնելու ասպարեզում։

Վաղուց ի վեր հայ պատմագիտության շրջանակներից դուրս հայտնի գիտնականը իր աշխատակցությունն է բերել նաև ոչ հայկական մասնագիտական հրատարակություններին։ Նա

հնդկականացել է ԽՍՀՄ ԳԱ արևելագիտության ինստիտուտի հրատարակած «Թուրքիայի նորագույն պատմությունը» (ռուսերեն, 1968) ուսումնասիրությանը, Նրա այլ աշխատություններ, հոդվածներ, գրախոսականներ ու հրապարակումներ տպագրվել են Մոսկվայում, նախկին Միության այլ կենտրոններում ու արտասահմանում, որոնք վկայում են անխոնջ հետադոտորի լայն ճանաչման մասին: Պետք է հիշատակել նաև նրա մասնակցությունը գիտական այլ խոշոր, կոլեկտիվ բնույթի աշխատություններին: Նրա հնդկականությանը է դրվել հայ ժողովրդի պատմության բազմազատորակի 6-րդ հատորի «Հայաստանը առաջին համաշխարհային պատերազմի տարիներին» հատվածը, փաստական հարուստ տվյալներով ու վավերագրերով հագեցած մի ուսումնասիրություն՝ նշված ժամանակաշրջանում հայության մաքառումների, պատերազմին նրա մասնակցության, երիտթուրքական կառավարության՝ արևմտահայության նկատմամբ կիրառած վայրագ քաղաքականության մասին: Ը. Սարգսյանի համահնդիսականությանը է գրվել նաև հայ ժողովրդի պատմության ռուսերեն բազմազատորակի 3-րդ հատորը՝ «Արևմտյան Հայաստանը 1918—1921 թթ. հատվածը (դեռևս չի հրատարակվել): Նույն թեման են լրացնում նրա գիտական հոդվածները հայկական հանրագիտարաններում, մասնավորապես «Հայկական հարց» (ռուսերեն, 1992) վերտառությունը հանրագիտարանում:

Արևմտահայության ցեղասպանության թեման համակողմանի լուսաբանում գտավ Ը. Սարգսյանի «Օսմանյան կայսրության քաղաքականությունը Արևմտյան Հայաստանում և մեծ տերությունները 19-րդ դ. վերջին քառորդին և 20-րդ դ. սկզբին» աշխատության մեջ (1972): Այստեղ ըստ ամենայնի բացահայտվում են երիտթուրքերի հրեշավոր քաղաքականության անմիջական ակունքները ցեղասպանության գործում, վերջիններիս շարունակությունը գործողության մեջ, որ հնարավոր դարձավ իրագործել խոշոր տերությունների միջպետական հարաբերությունների սուր հակամարտության պայմաններում և նրանց հանցավոր թողություններով: Այս հիմնահարցին օրգանապես շարահարվող թեմալական շարժման քաղաքական բովանդակության, Օսմանյան կայսրության ժողովուրդների հանդեպ նրա վերաբերմունքի ընդլայնման մեջ Ը. Սարգսյանը հակադրվել է այդ շարժման վերաբերյալ դասակարգային, կեղծ մոտեցումներին (անաչա-

ռությունը, թեև, պահանջում է ասել, ոչ միշտ և ամենուրեք՝ հասկանալի հրամայականի թելադրանքով) ցույց տալով այդ շարժման հետադիմական, ծայրահեղորեն ագրեսիվ նկարագիրը: Այս առթիվ պետք է ասել, որ նրա աշխատություններում դրախի որակ են կազմում գաղափարական և մեթոդական ուղեցույցների փոխարեն անաչառ ու իրատես հետազոտության արդյունքները: Նույն սկզբունքայնությամբ ու գիտական բարձր որակներով աչքի են ընկնում նրա խմբագրած թուրքագիտական ժողովածուները (3 հատոր), որոնք լույս են տեսել Հայաստանի գիտությունների ակադեմիայի հրատարակությամբ: Տասնամյակներ շարունակ Ը. Սարգսյանը անդամակցել է դիտական խորհուրդներին, գործուն մասնակցություն բերել հանրապետության և զուտ տեղական գիտության շրջանակներից դուրս ծավալվող գիտական գործընթացին: Ուշագրավ զեկուցումներով ու թեղծերով նա քանիցս հանդես է եկել հայրենական, ինչպես և բազմաթիվ միջազգային գիտաժողովներում: Գիտնականի նկարագիրն ամբողջացնում է նրա լուրջ ներդրումը հայ ժողովրդի նոր շրջանի պատմության և արևելագետ մասնագետների նոր սերնդի պատրաստման ասպարեզում: Նա դասախոսել է Երևանի պետական համալսարանի արևելագիտության ֆակուլտետում, ընդդիմախոսել շուրջ 40-ի չափ թեկնածուական և դոկտորական թեղերի:

Այսօր էլ հետադոտորի երկրորդ կեսդարյա շրջանը ոտք դրած գիտնականը շարունակում է իր գործը, անաղմուկ, բայց բովանդակավորված որոնումներով ու մտահղացումներով: Գիտական հասարակայնությունը ակնկալում է դրանց իրականացումը՝ մաղթելով ներքան քաջառողջություն և կորով:

Ա. Ա. ԽԱՌԱՏՅԱՆ

Պատմական գիտությունների դոկտոր

Խմբագրության կողմից

Հանդեսի խմբագրությունը ջերմորեն շնորհավորում է ականավոր գիտնականին՝ իր ծննդյան 80-ամյակի առթիվ, ցանկանում քաջառողջություն և արեւաշատություն: Խմբագրությունը լիահույս է, որ հետագայում ևս Ը. Սարգսյանը կշարունակի իր արդյունավետ գիտական ներկայությունը «Լրաբեր հասարակական գիտություններին» եռամսյակի էջերում: